

**I gyfarch a llongyfarch Cangen Merched y Wawr,  
Bethel ar ddathlu ei phenblwydd yn 40 oed**

Her i'n hiaith gymylau'r nos – i wthio'n  
ddwyieithog ei hethos.  
Eiriau rhwydd sy'n duo'r rhos,  
lwyd wedd na wêl y diddos.

Mynnu safon mewn safiad – yn eich bro  
yw'ch braint, rhoi arweiniad  
dros yr iaith, golud mudiad;  
hyn yw pris mynnu parhad.

Hyder doe yw pedwar deg, - mewn hanes  
mae'n ennyd 'di hedeg.  
Iaith ar daith, o'i thrin yn deg,  
i'w chynnal, rhoi ychwaneg.

Heno, goleuir dunos, – ac angerdd  
y gangen yw'r achos.  
Hir yw'r nych drwy oriau'r nos,  
Y Wawr sy'n mynnu aros.

*Richard Llwyd Jones*  
*11.03.2015*